

# INUIT ATAQATIGIIT

## INATSISARTUNI



7. september 2016

Inatsisartut suleriaasianni § 37 naapertorlugu Naalakkersuisunut imaattunik apeqqute-qarpunga:

- 1. KNR-mi nutaarsiassami ukioq manna maajip 28-ni saqqummersumi Aningaasaqarnermut Aatsitassanullu Naalakkersuisoq danskit nunattalu suleqatigiillutik ingerlataannik aningaasaateqarfimmik aningaasaliisartumik pilersitsisoqarnissaa naatsorsuutigalugu oqaatigaa. Suliaq tamanna sumut killippa?**
- 2. Danskit naalakkersuisui taama ittumik suleqatigiinnissamik siunertaqarnermik Nunatsinnit pisortatigoortumik saaffiginnissuteqarnikuuppat?**
- 3. Saaffiginnittoqarsimappat danskit naalakkersuisui qanoq qisuariaateqarpat?**
- 4. Inuussutissarsiornermut avataanit aningaasaliisartussarsiornermi pissutsit maanna atuuttut pillugit, ingammik True North Gems Aappaluttumi aatsitassarsiornermimmittut aningaasaliissussanik pissarsiornerminni iluatsitsingitsoornerisa kingunerisaanik, Naalakkersuisut qanoq eqqarsaatersuuteqarpat?**
- 5. Nunatsinni inuussutissarsiornermikkut aningaasaliisartussarsiornermut tunngatillugu Naalakkersuisut qanoq pilersaaruteqarpat qanorlu maannakkut nunatta avataanit aningaasaliissarsiornermimmittut suleqatigiumaneqarluarnissamullu aqqutissiuussinissamut Naalakkersuisut suliaqarpat?**

(Inatsisartuni ilaasortaq Sara Olsvig, Inuit Ataqatigiit)

### **Tunngavilersuut:**

Inuussutissarsiornermikkut ingerlatanik annerumaanik, ingammik aatsitassarsiornermi, nunatta avataanit aningaasaleeqataasoqartarnissaa pisariaqarsinnaasarpoq. Tassunga atatillugu nunatsinni sulianik iluatsilluartunik takutitsinnaanissaq pingaaruteqarpoq. Suleqatissarsiorneq aamma pingaaruteqarpoq ukiunilu arlalinni danskinik suleqateqarluni aningaasaliisartussamik aningaasaateqarfimmik pilersitsinissaaneq eqqartorneqartarluni.

Suleqatissarsiornermili Naalakkersuisut qanoq periuuseqarnerat Nunatsinniillu suut kissaatigineqarnerat erseqqissuliarisariaqarpat suliaqarlu aamma pimoorullugu aalluttariaqarlugu. Pisut kingulliit tunngavigalugit paaserusunnarpoq tamanna pillugu Naalakkersuisut qanoq iliuuseqarsimanersut.

Apeqqutit ullut suliffiusut qulit qaangiutsinnagit akineqarsimanissaat kissaatigaara.

